

INUIT ATAQATIGIIT

Inatsisartuni



UKA 2017/131
8. novemberi 2017
Bendt B. Kristiansen

Pillugu: Qanoq iliornikkut Sarfaq Ittuup Ilulissani-niit kujammukarnermini inuit Kangaatsiaq-miut taakkulu eqqaamiui aqqusaarneqarsinnaalernissaat pillugu aqqiisoqarsinnaanersoq apeqquteqaat aallaavigalugu oqallisissiaq.

(Inatsisartunut ilaasortaq Villy Olsvig, Inuit Ataqatigiit)

Oqallissarisooq Inatsisartunut ilaasortaq Villy Olsvig, Inuit Ataqatigiit oqallissaarutaanut qujavugut.

Qallunaat nunaanni motorvej-ikkut qimutsuitsutigullu illoqarfimmit illoqarfimmut angallanneq inuit akornanni ataqatigiisitsisuuvoq, nunatsinni imartarput assiganik ataqatigiisitsisuuvoq. Taamaattoq soorunami qallunaat nunaanni pissutsinut sanillersuunneqarsinnaanngilagut.

Imartatta silattalu naakkittaattorsuusut imaatigut angallanneq tassanngaannartumik allanngoriataarnermigut angalasut eqqornerlussinnaasarpaat, taamaattumik isorartuumik angalaniaat silasiorluaqqaartariaqartarput navialinnginnissaq sillimaniarnerlu eqqarsaatigalugit. Taamatut atugassaqartitaalluni piffissamullu angummanniarluni sinerissatsinni umiatsiaaqqanik angalaniaarneq mianersorfissalerujussuusoq angalanermik qaammaasaqalaartugut ilisimaaraarput, pingaartumik piffinni avammut sinerialinni, soorlu Kangaatsiaq Nassuttuullu paava kujammut taama ittut.

Ukioq manna Sarfaq Ittuk avannamut aqqummini Qeqertarsuaq aqqusaartalermagu Qeqertarsuarmut angallannermut sillimaniarnermullu toqqissisaalluinnarmat iluarisimaarnarlunnarmallu oqaatigissuarput. Taamarluinnarlu aamma Kangaatsiarmiunut qanitaanilu najungaartunut sunniuteqassooq Sarfaq Ittuk kujammut aqqummini Kangaatsiamut tulapallalaartalissangaluarpat, ila toqqissinassaqaq angalaniaanut.

Naalakkersuisut oqallissarisooq Villy Olsvig-ip siunertaanik mattussinngimmat qujarupparput, isumalluarpuqullu Naalakkersuisut periarfissarsiuinissamik oqariartuuteqarmata.

Taamak naattumik oqaaseqarluta oqallissarisumut Villy Olsvig-imut qujaqqippugut.